



*Služba za boračko-invalidsku i socijalnu zaštitu  
opću upravu i društvene djelatnosti*

Broj: 03-49-974-5/19  
Maglaj: 12.09.2019.godine

OPĆINSKO VIJEĆE

PREDMET: Informacija o NVO na općini Maglaj, dostavlja se ;-

Na osnovu Plana i programa rada Općinskog vijeća Maglaj za 2019.godinu („Službene novine Općine Maglaj,, broj 2/19) planirana je i tačka „Informacija o NVO za 2018./2019.godinu na teritoriji općini Maglaj, a koje se sufinansiraju iz Budžeta Općine Maglaj“, te je shodno navedenom Služba izradila informaciju, a za izradu iste korišteni su podaci dobiveni od udruženja, podaci kojima raspolaže organ uprave iz ranijih izvještaja, te podaci iz Projektnih prijedloga tokom predaje Projekata udruženja po Javnom pozivu općine Maglaj.

Napominjemo da informacija tretira samo one NVO na općini sa čijim podacima raspolaže Služba kao predlagač materijala i sa kojima općina ima saradnju i čije su projektne aktivnosti jednim dijelom sufinansirane ili finansirane iz Budžeta općine Maglaj.

**RUKOVODILAC SLUŽBE**  
**Eldina Mehinagić**



**INFORMACIJA**  
**Informacija o NVO na području općine Maglaj,**  
**za 2018/2019.godinu**

**Obradivač:**

- Služba za boračko-invalidsku i socijalnu zaštitu, društvene djelatnosti i opću upravu
- Služba za privredu, finansije/financije i razvoj poduzetništva

oktobar 2019. godine

Na osnovu Plana i programa rada Općinskog vijeća Maglaj za 2019.godinu („Službene novine Općine Maglaj,, broj 2/19) planirana je i tačka „Informacija o NVO za 2018./2019.godinu na teritoriji općini Maglaj, a koje se sufinansiraju iz Budžeta Općine Maglaj“, te je shodno navedenom Služba izradila informaciju, a za izradu iste korišteni su podaci dobiveni od udruženja, podaci kojima raspolaže organ uprave iz ranijih izvještaja, te podaci iz Projektnih prijedloga tokom predaje Projekata udruženja po Javnom pozivu općine Maglaj.

Napominjemo da informacija tretira samo one NVO na općini sa čijim podacima raspolaže Služba kao predlagач materijala i sa kojima općina ima saradnju i čije su projektne aktivnosti jednim dijelom sufinansirane ili finansirane iz Budžeta općine Maglaj.

Rad udruženja građana u 2018. pa i 2019. godini jednim dijelom se vezuje i za učešće općine u projektu ReLOaD (regionalni projekat kojeg finansira Europska unija (EU), a implementira Razvojni program Ujedinjenih nacija UNDP-a) i rezultatima koji su iz njega proistekli.

Rad nevladinog sektora u Bosni i Hercegovini regulisan je entitetskim i državnim zakonodavstvom. Na nivou BiH 2001. godine je usvojen Zakon o udruženjima i fondacijama, a na nivou Federacije BiH u martu 2002. godine. Pomenuti zakoni su usklađeni sa principima savremenih demokratskih društava. Broj registriranih udruženja se uvećava, ali se uporedo zbog nerada određeni broj njih i gasi. Registracija novih udruženja olakšana je Federalnim zakonom u kojem se u članu 11. propisuje da udruženje mogu osnovati tri fizička ili pravna lica ali se uporedo većina njih već na samom početku susreće sa problematikom u radu isključivo zbog nedostatka finansijskih sredstava za rad, te prostora za rad i funkcionisanje udruženja.

Služba za boračko-invalidsku i socijalnu zaštitu, opću upravu i društvene djelatnosti ne raspolaže sa tačnim podacima koliko NVO egzistira na općini Maglaj, jer koliko imamo informacija koja su udruženja aktivna i koordiniraju sa općinom toliko njih egzistira bez da koordiniraju u svom radu sa općinom, a određeni broj njih je i ugašen, odnosno neka udruženja čak više i ne postoje ali nisu brisana iz registra.

Stanje na području općine, kada je u pitanju rad NVO nastojimo dodatno urediti sa Kriterijima za finansiranje nevladinih organizacija i udruženja građana gdje se želi nametnuti NVO-ima da poštuju sistem planskog i programskog pristupa u radu i omogućiti mehanizme razlikovanja između onih koji su samo registrovani i onih koji rade. Sa primjenom ovih kriterija došlo je do većeg nadzora nad radom udruženja i bržeg prepoznavanja onih udruženja koja ne rade. Tako se na javnom pozivu za finansiranje projekata u 2018. i u 2019. godini udruženja koja nisu dovoljno aktivna nisu ni prijavila.

Treba napomenuti da udruženja prema oblasti djelovanja su vrlo raznolika, jer jedno udruženje vrlo često djeluju u više oblasti. Na osnovu raposloživih podataka NVO na općini Maglaj možemo svrstati u sljedeće kategorije:

#### **BORAČKA UDRUŽENJA**

- Udruženje porodica šehida i poginulih boraca
- Udruženje ratnih vojnih onvalida
- Unija veterana jedinstvene organizacije boraca
- Udruženje civilnih žrtava rata
- UABNOR
- Udruženje bivših logoraša
- Udruženje nosilaca najvećih ratnih priznanja
- Udruženje dragovoljaca domovinskog rata HVO
- Put spasa Čobe – Željezno polje

Sva su aktivna.

## SPORTSKA UDRUŽENJA

- NK Natron
- NK Novi Šeher
- NK Moševac
- NK Vis Simm Bau
- Odbojkaški klub
- Košarkaški klub
- Rukometni klub
- SportinoMa
- Kajan kanu klub
- Sportsko ribolovno društvo „Bosna“
- Klub borilačkih vještina „Escobar“
- Karate klub „Empi“
- Paint ball klub
- PSD Smajlovac
- SRPD Oaza Mira
- UG SLD “Soko“
- Društvo pedagoga fizičke kulture Maglaj

### Invalidski Sportki klubovi

- Invalidski odbojkaški klub
- Savez za sport i rekreaciju invalidnih lica
- Streljakči invalidski klub

Sva su aktivna.

## UDRUŽENJA U DRUŠTVENIM OBLASTIMA

- UG „Gradski mješoviti hor“ Maglaj
- UG „Fojničani“
- UG „Krušik“
- UG „Gradski folklorni ansambl“ Maglaj
- HKUD „Gromovnik“
- UG „Cicmanke“
- UG „Novi Šeher“
- UG „Eko pokret“ Maglaj
- UG „Mreža mladih“ Kopice
- UG „Sub castro nostro“ Maglaj
- UG u borbi protiv dijabetesa
- UG "Održivi povratak"Bočinja
- Asocijacija roditelja i prosvjetnih radnika OŠ“Novi Šeher“
- Asocijacija mladih – vijeća učenika – tim Maglaj
- UG Povratak Bočinja

Sva su aktivna.

- UZERO za koje imamo informaciju da je prestalo sa radom

## UDRUŽENJA U POLJOPRIVREDNOJ i PRIVREDNOJ OBLASTI

- UG za uzgoj i zaštitu sitnih životinja
- UG Bistrica
- UG Jedinstvo
- UG Cow how
- UG Pčelara
- UG Agrear
- UG Kopice

- UG Agro Liješnica
- Udruženje poljoprivrednika, proizvođača voća, povrća, jagodičastog voća i uzgoj stoke iz Bijele Ploče
- UG Eko Behar
- Zemljoradnička zadruga „Milk Maglaj“
- Zemljoradnička zadruga „Kula“
- UG „Eko prijatelji“ Bočinja

Sva su aktivna.

UDRUŽENJA OSNOVANA ZA  
ZAŠTITU INTERESA  
ODREĐENIH KATEGORIJA  
STANOVNIŠTVA

- Udruženje penzionera
- Udruženje građana invalida rada
- Crveni krst Maglaj
- MDD Maglaj

Sva su aktivna.

Obzirom da se rad i funkcionisanje boračkih udruženja razmatrao kroz njihove Izvještaje o radu i programe rada, te da će se rad i funkcionisanje Sportskih udruženja – klubova razmatrati kroz Informaciju o sportu i stanju sportskih objekata na općini Maglaj, kao i udruženja u oblasti privrede i poljoprivrede kroz stanje privrede i poljoprivrede na općini Maglaj, ova Informacija ima za cilj informisanje o NVO na općini Maglaj u oblasti društvenih djelatnosti i oblasti humanog rada odnosno rad udruženja osnovanih radi ostvarivanja interesa određenih kategorija stanovništva u oblasti civilnog sektora.

Udruženja koja imaju za cilj promocije i pružanja pomoći određene kategorije stanovništva u oblasti civilnog sektora:

### 1. Udruženje penzionera

Udruženje penzionera radi već 60 godina na dobrovoljnoj bazi. Po zadnjim podacima dobijenih od udruženja, broje oko 2000 članova a rad je organizovan na području cijele općine. Osnovni ciljevi i zadaci udruženja odnose se na pružanje pomoći svojim članovima da lakše ostvare prava prije svega iz oblasti penzijsko-invlidskog osiguranja a kasnije i zdravstvene i socijalne zaštite, a takođe i u oblasti kulturnog i humanitarnog djelovanja.

Na području cijele općine udruženje ima svoje povjerenike pomoću kojih se nastoji osigurati informacija, a kasnije i djelovati za pomoć najugroženijim penzionerima koliko je to u objektivnoj mogućnosti samog udruženja. Prihodi koji se ostvaruju su isključivo iz članarine i sredstava dobijenih od općine, a ista se koriste za pomoć prilikom smrti člana udruženja, pomoć radi ublažavanja teške materijalne situacije, pomoć pri nabavci lijekova.

Ostatak novčanih sredstava ( 1/3) utoše se na redovan rad udruženja te pripreme sjednica Upravnog odbora, Skupštine i sl.

Pored ovoga udruženje u banju odnosno na banjско liječenje pošalje određeni broj svojih članova, a troškove snosi PIO i sam Savez UP/ UFBiH.

Za sve članove udruženja organizuju se i ekskurzije a sve u cilju druženja i boljeg upoznavanja same problematike članova udruženja kako bi se na vrijeme moglo djelovati za pomoć.

Od strane općine Maglaj tokom 2018. godine iz Budžeta općine izvojena su sredstva u visini od 9.000 KM a planom za 2019.godinu planirana su sredstva u visini od 9.000 KM koja su namjenjena za realizaciju programskih aktivnosti ovog udruženja.

### 2. Udruženje građana Invalidi rada

Udruženje građana Invalida rada je organizacija koja djeluje na nivou Federacije BiH a samim tim i općine Maglaj. Osnovni zadatak ovog udruženja je unapređenje prava i interesa invalida rada. Obzirom da se iz prakse moglo svakodnevno vidjeti stalno kršenje i umanjenje prava invalida rada od strane poslodavaca, pa i prilikom donošenja određenih zakona udruženje nastoji da na

vrijeme reaguje i eventualno spriječi bilo kakvu aktivnost koja dovodi do smanjenja prava samih invalida rada.

U svom radu redovno saraduje sa Ministarstvom rada i socijalne politike ZDK, Sindikatom rada kao i svim ostalim javnim ustanovama i institucijama koje u svom radu mogu doprinjeti boljem položaju invalida rada.

Ono na što posebno potenciraju je usvajanje jedinstvenih Kriterija o ocjenjivanju invaliditeta, bez obzira na uzrok invaliditeta čije stupanje na snagu prema njihovim informacijama osporava Institut za medicinsko vještačenje FBiH.

Sredstva za rad udruženja se obezbjeđuju isključivo iz Budžeta općine, što je nedovoljno za troškove redovnog rada, a posebno za moguću dodjelu pomoći najugroženijim invalidima rada.

Ono na čemu udruženje intenzivno radi odnosi se na aktivnom učešću u procesu donošenja izmjena i dopuna Zakona o rehabilitaciji, osposobljavanju i zapošljavanju invalida rada, a svakako će se nastojati obavljati razgovori sa poslodavcima o mogućnostima zapošljavanja invalida rada shodno poslovima koji su u njihovoj mogućnosti.

Od strane općine Maglaj tokom 2018. godine iz Budžeta općine izvojena su sredstva u visini od 1.800,00 KM, a planom za 2019.godinu planirana su sredstva u visini od 2.000,00 KM a ista su namjenjena za realizaciju programskih aktivnosti udruženja.

### **3. Crveni krst Maglaj**

Crveni krst Maglaj je organizacija koja djeluje i radi u sklopu mreže Društvo Crvenog krsta.

U skladu sa svojim zakonskim i statutarnim ovlaštenjima provodi aktivnosti u oblasti institucionalnog i organizacionog razvoja, zdravstvene i socijalne djelatnosti, službe traženja, pripravnosti u slučaju prirodnih nesreća, u oblasti programa svjesnosti postojanja mina, te rad sa mladim članovima i aktivnostima koje se zasnivaju kao tradicionalne za ovu organizaciju.

Posebno se nastoji pomoći starim i iznemoglim licima, licima u stanju socijalne i druge pomoći, invalidima, povratnicima, nezaposlenim građanima bez osnovnih egzistencionalnih potreba, odnosno pružanju konkretne humanitarne pomoći. Da bi u tome uspjeli jednim dijelom su angažovani i na edukaciji postojećih članova odnosno omasovljavanju članstva sa novim članovima. U tom cilju, a ujedno i u cilju otklanjanja subjektivnih slabosti u radu CK radi se na usavršavanju intenziteta rada svih komisija za nadzor i izvještavanje. Ono što doprinosi boljem radu udruženja je svakako i donošenje Zakona o krvi i krvnih sastojaka te su time stvorene pretpostavke za unapređenje aktivnosti u oblasti dobrovoljnog davanja krvi. Kako bi se on unaprijedio dalji zadaci udruženja su donošenje Plana prakupljanja krvi na prostoru općine Maglaj, a sve u cilju postizanja boljeg kvaliteta saradnje građana – CK – transfuzije.

Od strane općine Maglaj tokom 2018. godine iz Budžeta općine izvojena su sredstva u visini od 5.000,00 KM, a planom za 2019.godinu planirana su sredstva u visini od 6.000,00 KM.

Sredstva su namjenjena za sufinansiranje programskih aktivnosti udruženja koja se realizuju u koordinaciji sa ostalim civilnim udruženjima kako sa općine Maglaj tako i šire.

### **4. MDD Merhamet**

MDD Merhamet Općina je sufinansirala sa 40.000,00 KM tokom 2018. godine, a tokom 2019.godine planiran je isti iznos. Sva sredstva su usmjerena na rad Javne kuhinje koja djeluje u sastavu ove organizacije.

Tokom 2018.godine vršena je intenzivna saradnja sa općinom Maglaj, domaćim i stranim humanitarnim organizacijama, osnovnim i srednjim školama, te sa javnim ustanovama i institucijama koje djeluju na općini Maglaj, a sve sa ciljem obima i kaliteta aktivnosti i što kvalitetnijeg pružaja usluga socijalno ugroženim porodicama i korisnicima narodne kuhinje.

Kada je u pitanju rad kuhinje on se odnosi na obezbjeđenje redovnih obroka korisnicima kuhinje što na godišnjem nivou iznosi preko 46.000 obroka. Dalje aktivnosti se odnose na obezbjeđenje odjeće, obuće, prehrambenih artikala. Radi boljeg rada i funkcionisanja nabavljeno je i jedno vozilo za potrebe javne kuhinje i potrebe realizacije projekta „kućna njega“ na području općina Maglaj, Zavidovići i Doboj jug.

Jedna od aktivnosti koje su provodili odnosila se i na izgradnju stambenog objekta porodici



Arnautović iz Misurića.

Nastavljena je saradnja sa srednjim školama gdje učešćem učenika ostvaruju se aktivnosti volontiranja u svim Merhametovim akcijama. Ostvareno je i učešće u koordinaciji sa općinom Maglaj u pomoći općini Busovača nakon poplave u 2018.godini.

U saradnji sa Centrom za socijalni rad obilazak starih i iznemoglih lica u ruralnim područjima sa ciljem pružanja usluga mjerenja krvnog pritiska i šećera u krvi, kao i pomoći u životnim i higijenskim potrebama.

Od strane općine Maglaj tokom 2018. godine iz Budžeta općine izvojena su sredstva u visini od 40.000,00 KM, a planom za 2019.godinu planirana su sredstva u visini od 40.000,00 KM koja su namjenjena za rad Javne kuhinje.

Udruženja u društvenim oblastima:

### **1. UG „Gradski mješoviti hor“ Maglaj**

Udruženje Gradski mješoviti hor Maglaj je osnovano u mjesecu maju 1997. godine. Na samom početku Udruženje je djelovalo pri Domu kulture u Maglaju, a od 1998. godine kao samostalno Udruženje građana. Udruženje je osnovano povratkom muzičkog pedagoga, g-đe Hana Čizmić, rođene Maglajke koja je te poslove radila u Maglaju od 1970. do 1981. godine i svojim dolaskom okupila i ponovo animirala članove horova kojim je nekada rukovodila, a koji su bili u Maglaju.

UGMH Maglaj je najstarije Udruženje na području općine koje neprekidno djeluje do današnjih dana punih 15 godina. Do sada je održano preko 160 cjelovečernjih koncerata, potom učešće na mnogobrojnih humanitarnim koncertima, hor pjeva na 13 jezika svijeta i do sada je kroz hor prošlo 176 aktivnih članova. Hor na svom repertoaru ima preko 400 različitih kompozicija ili 80 sati neprekidnog pjevanja. Trenutno broji 48 članova, karakteristika ovog hora između ostalog je i ta što ga sačinjavaju članovi iz 4 grada tj. tri države. ( Maglaj, Zenica, Sl. Brod – Hrvatska i Priboj – Srbija ). Hor je do sada imao mnogo koncerata, te se smatra da je način na koji rade odražavaju put za njegovanje tradicionalnosti, kulturnih i radnih navika, upoznavanja kultura drugih naroda. Jednom riječju to je put da pravilno odgajamo mlade ljude, da u njima razvijaju plemenitost, dobrotu, da svi ljudi oko nas pravilno vrednuju kulturne i umjetničke vrijednosti, da kod mladih ljudi smanji se agresivnost, neukus, nezadovoljstvo i na taj način djelovanja i rada zaustave poplavu nekvalitetne kulture u našem gradu i našoj zemlji.

Pri udruženju djeluje i podmladak hora kojeg sačinjavaju učenici osnovnih škola sa područja naše općine, a iz tih redova svake godine se uzima 4 – 5 najboljih pojedinaca koji svoj rad dalje nastavljaju u Udruženju.

Hor djeluje i radi u kabinetu muzičke kulture u osnovnoj školi „Maglaj“ iz Maglaja, nema svog prostora, telefoni, internet, fax su lični telefoni rukovodilaca Udruženja koji iste koriste za službene potrebe.

Stručnost osobe koja rukovodi ovim udruženjem je već mnogo puta dokazana i pored redovnog posla koji obavlja, ista je i recenzent u oblasti muzičke kulture tj. udžbenika za istu, a pored nje tu su i već gore pomenuti prof. Asim Horozić iz Tuzle, potom prof. Dževad Šabanagić, prof. Mehmed Bajraktarević, prof. Ognjen Bomoštar iz Sarajeva, Jovan Adamov iz Novog Sada i mnogi drugi koji su asistenti i spoljni saradnici hora.

GMH je jedno od udruženja koje poprati sve značajne događaje općine Maglaj, a svojim radom i učešćem u velikoj mjeri doprinose kvalitetu istih.

Tokom 2018.godine GMH iz Budžeta općine finansiran je sa 2.000,00 KM a tokom 2019. godine sredstva koja su planirana iznose 4.000,00 KM namjenjenih za organizaciju kulturnih manifestacija u kojima GMH za vrijeme značajnih datuma te aktivnosti koje imaju za cilj promocija ovog udruženja i van općine Maglaj.

### **2. UG „Fojničani“**

Udruženje građana "Fojničani" je nevladina, nestranačka, nepolitička i neprofitabilna organizacija, koja potiče i usmjerava sve građanske, socijalne, kulturno- umjetničke, sportske, ekološke, humanitarne i ostale, pozitivnim zakonskim propisima dozvoljene aktivnosti svoga članstva, a u cilju osiguranja i poboljšanja cjelokupnih uvjeta za život u lokalnoj zajednici koju

sačinjava povratnička populacija.

Poboljšanje životnih uvjeta, prvenstveno na ruralnom području, kako bi se omogućio održivi o(p)stanak; Multikulturalno društvo jednakih prava za sve građane; Udruženje građana "Fojničani" kao prepoznatljivo ime u nevladinom sektoru i značajan faktor u pokretanju društvenih promjena u lokalnoj zajednici.

Udruženje građana "Fojničani" osnovano u naselju Fojnica u općini Maglaj neposredno nakon poplave u maju 2014 godine, kao istinski pozitivni primjer zajedničkog života i rada Bošnjaka i Hrvata čiji je prvotni cilj bio pomoći unesrećenim, a zatim i pokazati da sredina koja je svoje najteže momente prebrodila upravo uz pomoć volontera, to prepoznaje i cijeni na način da sama podržava i njeguje volonterizam kao jedan od glavnih temelja civilnoga društva.

Statutarnim ciljevima Udruženja posebno se naglašava prepoznavanje potreba lokalne zajednice i realizacija aktivnosti koji su usmjerene na zadovoljavanje tih potreba, te afirmiranje ljudskih, građanskih i socijalnih prava, odnosno promoviranje europskih i svjetskih vrijednosti u ovim oblastima. Strategija za ostvarenje ciljeva se temelji na rješavanju konkretnih problema u lokalnoj zajednici, ogromnom entuzijazmu, neumornom volonterizmu i upornom nastojanju da se pomogne ljudima, bez obzira na njihovo ime, vjeru i naciju. Nakon uspješno okončanih projekata sanacije elementarne nepogode, iniciranje i realizacija socijalno inkluzivnih projekata je zasigurno jedan od prioriteta lokalne zajednice, što smo prepoznali kroz volonterski rad. Posebnu pažnju posvećuju ruralnom području koje drastično zaostaje za gradskim sredinama u mnogim a naročito socijalnim aspektima. S punim pravom se može reći da smo jedna od najaktivnijih organizacija civilnog društva na području Zeničko-dobojskom kantona, a da je volonterski rad itekako prepoznat govori činjenica da je Udruženje građana "Fojničani" nositelj Certifikata izvrsnosti američke ambasade u BiH, priznanja za

iznimni volonterski angažman u izgradnji inkluzivnijeg, multikulturalnijeg i demokratskijeg društva u Bosni i Hercegovini.

Tokom 2018.godine bili su planirani sa 2.000,00 KM od kojih su realizovali samo 500,00 KM isključivo zbog na vrijeme ne dostavljenih zahtjeva za odobrenje sredstava, a tokom 2019.godine sredstva koja su im odobrena iznose 2.500,00 KM namjenjenih za realizaciju projekta za socijalne inkluzije povraatnika te kulturnih aktivnosti u cilju promocije narodnih običaja.

### **3. UG „Gradski folklorni ansambl“ Maglaj**

Gradski folklorni ansambl Maglaj je kulturno umjetničko društvo, čija je misija edukacija, promocija i očuvanje kulturne baštine naroda BiH. Osnovano je 1977. godine pod imenom Kud „Ljiljan“ a promjena imena izvršena 30.3.2006. godine pod imenom „GRADSKI FOLKLORNI ANSAMBL“ iz Maglaja u Ministarstvu za pravosuđe i upravu Ze Do kantona.

Društvo sve aktivnosti obavlja isključivo na amaterskoj osnovi a finansira se od članarine prikupljene od članova na dobrovoljnoj osnovi, od sponzorstva i grantova odobrenih za projekte koji se uspješno realiziraju. Društvo okuplja 160 članova starosne dobi od 8-30.godina i oba spola su ravnomjerno zastupljena. Na čelu društva je upravni odbor sastavljen od 5 članova odgovarajuće sposobnosti što potvrđuju veoma dobri rezultati prema kojima je ovo društvo jedno od najuspješnijih u BiH kao i široj regiji. Visoki kvalitet je potvrđen i u inostranstvu stečen na brojnim festivalima od državnih, balkanskih, europskih i svjetskih nivoa. Od 2006.godine „GFA“ je nastupio na 40 inostranih festivala u Turskoj, Francuskoj, Austriji, Njemačkoj, Hrvatskoj i Srbiji.

Osvojena priznanja su brojne plakete, medalje, trofeji, posebna odličja od nekih gradova i država. Sa ponosom ističu da su jedino udruženje u Maglaju koje je dobilo najveće općinsko priznanje Grb Maglaja. Na svim dosadašnjim nastupima promovisali su igre svih naroda BIH. Od svih dosadašnjih projekata ističu Internacionalni Festival folklor „Kolo na Bosanskom Ćilimu koji se uspješno održava 13. put. Maglaj su do sada posjećivali više od 500 mladih iz različitih zemalja koji su predstavljali igre, običaje i tradicionalne igre svojih naroda. Ovaj značajan festival su do sada svojim finansiranjem redovno podržavali Općina Maglaj, Kantonalno i Federalno ministarstvo za kulturu, Ministarstvo turizma i brojni donatori. Društvo je uspostavilo dobru



saradnju sa brojnim društvima u zemlji i inostranstvu kao i općinama koje su uspostavile preko kulture trajne partnerske odnose. Sve do poplave 2014. godine su raspolagali sa zavidnom tehničkom opremom i više garnitura narodnih nošnji koje su poplavom u potpunosti uništene. Nadaju se da će i taj problem uz podršku ubrzo riješiti. Trenutno na korištenje Društvu svoje resurse pružaju škole i Dom kulture u Maglaju.

U realizaciji planskih aktivnosti učestvuje 70 aktivni članova raspoređenih u 3 grupe, folklorna, dječiji i odrasli izvođački ansambl kao i ženska vokalna grupa, takođe se rad odvija i u prvoj osnovnoj školi u sekciji od 20 učenika od 6. do 9. razreda.

Tokom godine je izvršeno 80 proba, a održano 20 nastupa u Maglaju na školskim i općinskim manifestacijama, te festivalima u Bosni i Hercegovini i inostranstvu. Posebno ističu 2 značajna festivala na kojima su predstavljali Bosnu i Hercegovinu i bili istinski promotori tradicionalne kulturne baštine. Na prvom Balkanskom festivalu takmičarskog karaktera u glavnom Albanskom gradu Tirani učestvovala su društva iz 12 balkanski zemalja, a Bosnu i Hercegovinu je sa velikom čašću i ponosom predstavljalo 30 članova ovog udruženja. Prošle godine je u Maglaju organizovana najveća manifestacija u oblasti očuvanja folklorne tradicije u okviru Studentskog ljeta, 13. internacionalni festival folklor „Kolo na Bosanom ćilimu“. Ova manifestacija je potvrdila da je već odavno postala Maglajski pa i Bosansko Hercegovački brend po kvalitetu i sadržaju programa, broju učesnika i posjetilaca. Ovoga puta u Maglaju su se okupili najbolja društva iz cijele Bosne i Hercegovine, te su imali predstavnika Hrvatske i Graca – Austrija sa KUD „Bošnjak“ sa kojima gaje dobre kulturno prijateljske odnose od 2014. godine kada su za vrijeme poplave pritekli u pomoć.

Pored uobičajenog programa prava atrakcija je bilo zajedničko kolo na gradini u kome je zaigralo 450 mladih u različitim narodnim nošnjama.

Početak prošle godine uspostavljena je i sekcija ženske vokalne grupe za izvođenje starogradskih pjesama i autentičnih sevdalinki, koja je svoju uspješnu promociju imala na festivalu u Doboj Istoku sa učešćem u koreografiji ansambla udruženja pod nazivom „Igre kraj bunara“. Kao i predhodnih godina društvo je imalo dobru saradnju sa mnogim društvima u Bosni i Hercegovini i inostranstvu. Tokom čišća na velikom Balkanskom i svjetskom fesivalu u Tirani i Mersinu sagrađeni su novi mostovi i uspostavljena nova interkontinentalna prijateljstva.

U radu najviše problema se imali tokom prošle godine u nedostatku adekvatnog prostora za vježbanje i čuvanje opreme, tako su mnoge probe odlagane i mijenjani termini i lokacije. Nedostatak volje i društvene odgovornosti u mnogim firmama za odsustva većine radnika koji su naši članovi, bili su prinuđeni otkazivati mnoge nastupe i ne prihvatati veliki broj poziva u BiH i inostranstvu.

Tokom 2018.godine kroz projekat 13. smotra folklor „Kolo na Bosanskom ćilimu“ odobrena su sredstva u visini od 5.000,00 KM, dok se za ovogodišnju 14. po redu Smotru folklor planiraju sredstva od 5.000,00 KM.

#### 4. HKUD „Gromovnik“

HKUD „Gromovnik“ Novi Šeher je jedino udruženje koje skrbi o kulturnoj tradiciji Hrvata u općini Maglaj. Već 18-u godinu u Novom Šeheru organizira manifestaciju „Šehersko prelo“ koju već 7 godina organizira i u Zagrebu. Ovo je jedna od značajnih i masovnih manifestacija koju svake godine posjeti cca 1000 posjetitelja. Vrijedno je spomenuti da su posjetitelji udruženja u velikoj mjeri, povratnici sa novošeheskog kraja te osobe iz dijaspore. Manifestacija „Šehersko prelo“ je postalo sastavni dio obilježavanja patrona Župe „Sv. Ilija Prorok“ u Novom Šeheru, a održava se uvijek nedjeljom večer pred Ilinu koja je 20.07. svake godine.

Temeljni cilj je da se sačuva kulturno naslijeđe Hrvata općine Maglaj, ali i da se educiraju djeca i mladi o folklornim igrama, tradicionalnim instrumentima te da se promoviraju i stara tradicionalna jela novošeheskog kraja. Sve ovo znatno doprinosi promociji kulturnog, vjerskog i gastro turizma općine Maglaj te kroz sklapanje novih prijateljstava i promoviranje našeg folklor u BiH i inozemstvu.

Projektom su uglavnom obuhvaćena djeca, mladi ali i starije osobe od kojih se može najviše naučiti o svojoj tradiciji. Preko 250 aktivnih sudionika ovog Projekta je uključeno u ove

aktivnosti, a svake godine Šehersko prelo posjeti preko 1000 posjetitelja. Dobar dio ovih posjetitelja, kao i aktivnih sudionika u programu su povratnici ili naši ljudi iz dijaspore, a dio istih su i osobe sa invaliditetom. Ovo je vrlo važan kulturni događaj za sve nas. Projekt će se realizirati u roku od tri mjeseca tj. početak će u V mjesecu, a završit će se u VII mjesecu 2019. godine. U V mjesecu se kreće sa pripremnim radnjama, pozivnicama za izvođače programa, zatvaranje financijske konstrukcije i sl. Početkom VI mjeseca se održavaju tečajevi za folklor i tradicionalne instrumente (šargija, dvojnica i violina koja prati šargiju), a 14.07.2019. (nedjelja) je planirana i glavna manifestacija kojoj prethodi postavka izložbe tradicionalnih jela novošeherskog kraja. Šehersko prelo će se održati na platou ispred župne crkve u Novom Šeheru u periodu od 20-24.00 sata na kojem će nastupiti oko 160 izvođača (2 KUD-a i 20-tak izvornih pjevačkih skupina iz novošeherskog i maglajsko-žepačkog kraja te gosti, naši iseljenici iz Hrvatske, Slovenije, Austrije i Njemačke).

Realizacijom Projekta svi članovi HKUD "Gromovnik" imaju snažan poticaj da cijelu godinu rade još bolje jer su jako sretni što svoje umijeće mogu prezentirati i promovirati na tako velikom skupu ljudi.

Za Hrvate općine Maglaj ovo je prevažan i najznačajniji kulturni događaj tijekom godine jer ovim programom dodatno obogaćuju obilježavanje patrona župe-Iline kada dolaze brojni župljani i prognanici iz dijaspore, te brojni posjetitelji iz susjednih župa. Na ovaj način čuvaju tradiciju već punih 17 godina i ovo je, poslije Studenskog ljeta, zasigurno najmasovnije okupljanje publike na jednom kulturnom programu u općini Maglaj.

Tokom 2018. godine odobrena su im sredstva u visini od 1.700,00 KM za realizaciju projekta „Šeško prelo“ i 2.500,00 KM za realizaciju projekta „Šehersko kolo“, a tokom 2019. godine odobrena su im sredstva u visini od 1.800,00 KM za realizaciju projekta „Šehersko prelo“ i 2.500,00 KM za realizaciju projekta „Šehersko kolo“ koji su realizovali u koordinaciji sa UG „Cicmanke“ Novi Šeher.

## 5. UG „Cicmanke“

Osnovano je 1999. godine kao potreba povratničke zajednice u Novom Šeheru sa osnovnim ciljem poboljšanja društvenog i ekonomskog statusa žene i njene porodice te neprijekorne pomoći široj društvenoj osnovi, a sve to na volonterskoj osnovi.

Udruženje je tokom svog dugogodišnjeg rada realizovalo niz projekata koji se mogu svrstsati kao veom uspješni.

Tokom 2018. godine realizovale su projekat pod nazivom „Šehersko kolo i multietnička smotra folklorasa gastro ponudom“ koji je realizovan i tokom 2019. godine ali u koordinaciji sa HKUD „Gromovnik“.

Tokom realizacije projekta organizovan je niz kulturnih događaja s ciljem podizanja svijesti građana u oblasti kulture i očuvanja tradicije. Nastupilo je ukupno 11 KUD-a iz Federacije BiH, RS-a i Republike Hrvatske sa domaćinima UG „Cicmanke“ i KUD „Gromovnik“ Novi Šeher uz prezentaciju nacionalnih jela novošeherskog kraja i jela krajeva odakle su dolazila KUD-a.

Tokom 2019. godine udruženje je planiralo realizovati i projekat „Obilježavanje međunarodnog dana u oktobru“ kroz humanitarne djelatnosti, unapređenje standarda žene na selu, promovisanje zdrave hrane. Potreba obilježavanja i podizanja svijesti građana o Svjetski dan žena na selu, Svjetski dan borbe protiv siromaštva i Svjetski dan hrane. U projektu pokušavaju skrenuti pažnju javnosti na važnost žene na selu i siromašnih građana. Seoske žene nisu dovoljno prepoznate u našem društvu, a seoske žene čine četvrtinu svjetske populacije i proizvode oko 50 % hrane na planeti. Ciljne grupe su žene među kojima ima i bolesnih, invalidnih osoba, kornika javne kuhinje, ugroženih siromašnih porodica.

Potrebno je napomenuti da je ovo udruženje jedno od aktivnijih na teritoriji općine Maglaj.

Tokom 2018. godine odobrena su im sredstva u visini od 2.500,00 KM gdje su realizovali projekat „Šehersko kolo“ i 500,00 KM prilikom odlaska u Sarajevo i učešće u projektu „Trka života“. Tokom 2019. godine odobrena su im sredstva u vrijednosti od 2.500,00 KM za realizaciju projekta Gastro ponude „Dani hrane u oktobru“.

## 6. UG u borbi protiv dijabetesa

Udruženje svojim radom nastoji dati svoj doprinos unapređenju prevencije komplikacija dijabetesa na teritoriji općine Maglaj. Njihovi projekti uglavnom se odnose na aktivnosti da se osvjeste građani o značenju dijabetesa kao i načinu borbe sa njim, te da u saradnji sa JU Dom zdravlja Maglaj i endokrinolozima obezbijede kontrolu glikoziliranog hemoglobina, te dolazak endokrinologani pregleda za najugroženije pacijente.

Ciljne grupe kao što je napomenuto su građani općine Maglaj koji će imati priliku besplatno vršiti mjerenje šećera, a sve u svrhu doprinosa boljeg zdravstvenog stanja, a poseban akcenat stavljen je na mlade.

Tokom 2018. godine svoj projekat su realizovali sredstavima iz Budžeta općine Maglaj u vrijednosti od 1.800 KM, a za 2019. godinu odobren im je projekat u visini od 1.500 KM koji imaju namjeru realizovati do kraja godine. Udruženje za borbu protiv dijabetesa Maglaj ovim projektom nastoji da da svoj doprinos unapređenju prevencije komplikacija dijabetesa u općini Maglaj kroz nekoliko aktivnosti. Prije svega, u partnerstvu sa JU Dom zdravlja Maglaj želi dva puta tokom godine počevši od marta pa sve do decembra obezbijediti kontrolu glikoziliranog hemoglobina, kao i savjetovanje za najugroženije pacijente. Daje se mogućnost i mladim ljudima da budu uključeni u akcije, kako bi stekli određenu edukaciju, ali i širili svijest o značaju prevencije ove bolesti.

Tokom 2018. godine iz Budžeta općine Maglaj odobrena su im sredstva u visini od 1.800,00 KM dok tokom 2019. godine ona iznose 1.500,00 KM namjenjenih za realizaciju programskih sadržaja koji vode ka prevenciji od dijabetesa.

## 7. UG Eko pokret

Od samog osnivanja ovog udruženja počev od 2000. godine ono egzistira na bazi saradnje sa stranim i domaćim donatorima u cilju poboljšanja ekološke svijesti kod građana. Veliki je niz projekata koje je ovo udruženje realizovalo tokom proteklih godina a najznačajnija su uzgoj i plasiranje eko bilja, zaštita rijeke Bosne, sadnja novih sadnica na općini Maglaj, obuka građana za izradu komposta, izrada suvenira od eko sirovina, postavljanje eko lokacija za oglašavanje i sl. Jedna od tih aktivnosti su svakako i aktivnosti vezane za očuvanje 68 stogodišnjih platana u Maglaju, koji su zasađeni za vrijeme Austrougarske, te podizanje i oplemenjivanje novoizgrađenih staza stradalih za vrijeme poplava 2014.godine.

Održavani su i okrugli stolovi na kojima su učestvovali pored predstavnika Šumarskog fakulteta Sarajevo i predstavnici općine Maglaj, KJD Maglaj, članovi Eko sekcija i drugih nevladinih organizacija koji je ujedno potaknuo neminovnu saradnju Općine i civilnog društva po pitanju očuvanja platana. Također, zasađeno je 150 bijelih lipa, te postavljene klupe za odmor i kante za otpad na novoizgrađenom šetalištu uz rijeku Bosnu koja je bila potpuno uništena za vrijeme poplava 2014. godine.

„Eko Maglaj“ u svom radu pridaje veliku važnost ulozi mladih pri očuvanju okoliša i njihovom učešću pri realizaciji projekata. Tako u okviru projekta „Život za sve“ konstantno rade Eko sekcije 5 škola sa područja općine Maglaj, proizvođači suvenire sa obilježjem Maglaja i oznakama platana. U prethodnom periodu su organizovani i info štandovi sa članovima Eko sekcija, koji su obavili podjelu brošura i izvršili video anketu sa građanima Maglaja.

Ono čime se ovo udruženje može ponositi je svakako i ulazak njihovog člana Sanje Pavlić u Upravni odbor za odabir projekata koja se finansiraju iz sredstava EU fondova.

Tokom 2018. i 2019.godine nisu se sa svojim projektim obraćali općini tako da sredstva nisu ni izdvajana iz Budžeta općine za realizaciju programskih sadržaja ovog udruženja.

## 8. UG „Novi Šeher“

UG Novi Šeher osnovano je u martu 2016. godine sa ciljem poboljšanja uslova života u Novom Šeheru. Za ostvarivanje navedenog cilja Udruženje je planiralo angažiranje radnika na čišćenju ulica u naselju Novi Šeher, izradu projekta i izgradnju kanalizacione mreže u naselju Novi Šeher, čišćenje i uređenje korita rijeka koje teku kroz naselje Novi Šeher, uređenje prostora ranijeg Doma kulture, druge poslove i aktivnosti koji su od interesa za građane Novog Šehera, te saradnju sa sličnim udruženjima na nivou F BiH i BiH.

Tokom 2018. godine im nisu bila odobravana sredstva jer se nisu obraćali sa zahtjevom, dok su tokom 2019.godine planirana sredstva u visini od 3.000,00 KM namjenjena za realizaciju projekta „Ramazan dođe“ u povodu mjeseca Ramazana.

Sa svojim radom tokom 2019.godine počela su dva nova udruženja mladih, UG „Mreža mladih“ Kopice i UG „Sub castro nostro Maglaj“ koji su odmah po registraciji uspostavili kordinaciju sa općinom Maglaj u cilju realizacije projekata značajnih za mlade i samu Općinu.

Sa UG „Mreža mladih“ se radi na razvoju ideje u Projekat oko izgradnje dječijih sprava u novošeherskom kraju, a sa UG „Sub castro nostro“ nastoji se realizovati aktivnost obilježavanja 100-godišnjice „Čabrine kafane“ u Starom gradu. Za sada i jedan i drugi projekat je u idejnoj fazi a nadamo se da će uzimajući u obzir entuzijazam mladih iz navedenih udruženja da će isti do kraja 2019.godine biti i realizovani.

Udruženja u poljoprivrednoj i privrednoj oblasti

### 1. UG za uzgoj i zaštitu sitnih životinja

Udruženje za uzgoj i zaštitu sitnih životinja „Maglaj“ Maglaj je orjentisano na uzgoj i zaštitu sitnih životinja, organizovanje raznih izložbi sitnih životinja na području općine, kao i učestvovanje na izložbama u okruženju i u cijeloj BiH. Članovi Udruženja su sa područja cijele općine Maglaj. Projekti koje rade su uglavnom fokusirani na jačanje kapaciteta nevladinog sektora u oblasti poljoprivrede sa akcentom na uzgoj i zaštitu sitnih životinja.

Rad ovog udruženja u 2018. i 2019. godini može se ocijeniti kao veoma uspješan. Uključivanje i upoznavanje građanstva, a posebno mladih sa naukama ornitologije i zoologije kroz uzgoj i zaštitu sitnih životinja, sa posebnim apektom na odvajanje mladih od loših uticaja i poroka, te omasovljenja i edukacije mladih i ostalih građana njihov je cilj u svim projektima.

Udruženje za uzgoj i zaštitu sitnih životinja „MAGLAJ“ je u januaru mjesecu 2017. godine pokrenulo svoj rad, nakon više od 3 decenije pauze, te trenutno broji oko 130 članova od kojih je 70 djece, učenika osnovnih škola (dječaci i djevojčice).

Za veoma kratko vrijeme svog djelovanja udruženje je postalo prepoznatljivo na području općine Maglaj, pa i šire te je ravnopravna članica Saveza za uzgoj i zaštitu sitnih životinja BiH i naši članovi postižu zavidne uspjehe širom BiH.

U njihovom djelovanju prvenstveno je zapaženo da djecu i mlade na području naše općine su zanimaju razne aktivnosti vezane za uzgoj i zaštitu sitnih životinja, a dosadašnja predavanja koja su ostvarili u saradnji sa „Prvom osnovnom školom“, osnovnom školom „Maglaj“, osnovnom školom „Novi Šeher“, Dječijim vrtićem su ukazala na veliku želju djece za upoznavanjem sa uzgojem i zaštitom sitnih životinja, te edukacijom o istom i odvajanja od svakodnevnih životnih navika.

Tokom 2018. godine realizovali su projekat u vrijednosti 800,00 KM a u 2019. godini u toku je realizacija projekta u vrijednosti 1.500,00 KM koji se finansira iz Budžeta općine i ima za cilj uključivanje i upoznavanje građanstva, a posebno mladih sa naukama ornitologije i zoologije kroz uzgoj i zaštitu sitnih životinja.

### 2. UG "BISTRICA“

UG "BISTRICA" Maglaj, sa adresom MZ Ravna i MZ Oručje, općina Maglaj, predsjednik

Udruženja je Skula Osman. Udruženje je orjentisano na ruralni razvoj mjesnih zajednica Ravna i Oručje, sa naglaskom na proizvodnju jagodičastog voća, plasteničku proizvodnju povrća, proizvodnju ostalog voća i povrća. Članovi Udruženja su uglavnom mještani mjesnih zajednica Ravna i Oručje. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede.

### **3. UG "JEDINSTVO"**

UG "JEDINSTVO" Maglaj, sa adresom MZ Bočinja, Maglaj. Predsjednik Udruženja je Vaso Zekić. U projektu „Mercy Corps“ dobili su modernu sušaru za sušenje voća, ljekovitog šumskog bilja i gljiva, kao i određen broj plastenika za plasteničku proizvodnju povrća. Članovi Udruženja su uglavnom mještani mjesnih zajednica Bočinja i Krsno polje – Bakotić. Radi se o Udruženju koje je fokusirano na ruralni razvoj, proizvodnju voća i povrća i na skupljanje ljekovitog bilja.

### **4. UG "COW-HOW"**

UG "COW-HOW" Maglaj sa adresom Čobe, Maglaj. Predsjednik Udruženja Munib Jusufbašić. Udruženje je orjentisano na proizvodnju sirovog kravljeg mlijeka, ruralni razvoj i opću poljoprivrednu proizvodnju na području novošeherskog kraja. Članovi Udruženja su uglavnom mještani mjesnih zajednica Čobe, Kopice i Novi Šeher. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede

### **5. UG "PČELAR"**

UG "PČELAR" Maglaj, predsjednik Udruženja Ekrem Suljaković. Udruženje je orjentisano na proizvodnju meda i jačanje članova udruženja kroz ruralni razvoj na području cijele općine. Članovi Udruženja su svi pčelari koji žele da budu članovi Udruženja sa područja općine Maglaj. Iz Budžeta/Proračuna općine Maglaj u 2018. godini Udruženju je odobreno 1.400,00 KM za sufinansiranje projekta iz oblasti poljoprivrede pod nazivom "Zaštita i valorizacija tradicionalnih poljoprivrednih proizvoda" koji je uspješno realiziran.

### **6. UG "AGRAR"**

UG "AGRAR" Novi Šeher, Maglaj. Predsjednik Udruženja je Turčinović Senajid. Udruženje je orjentisano na proizvodnju povrća, voća, kravljeg mlijeka, ruralni razvoj i opću poljoprivrednu proizvodnju na području novošeherskog kraja. Članovi Udruženja su uglavnom mještani novošeherskog kraja. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede

### **7. UG "KOPICE"**

UG "KOPICE" Kopice, Maglaj. Predsjednik Udruženja je Salih Mujanović. Udruženje je orjentisano na proizvodnju jagodičastog voća, ruralni razvoj i opću poljoprivrednu proizvodnju na području Kopica i novošeherskog kraja. Članovi Udruženja su uglavnom mještani mjesnih zajednica Kopice i Čobe. Salih Mujanović je ujedno i predsjednik Saveza proizvođača jagodičastog voća u BiH. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede.

### **8. UG "AGRO-LIJEŠNICA"**

UG "AGRO-LIJEŠNICA" Liješnica, Maglaj. Predsjednik Udruženja je Čamić Elvir. Udruženje je orjentisano na proizvodnju povrća u plastenicima i na otvorenom, uzgoj i proizvodnju voća, ruralni razvoj i opću poljoprivrednu proizvodnju na području cijele MZ Liješnica. Članovi Udruženja su uglavnom mještani mjesnih zajednica Liješnica, Tujnica i Međići. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini Udruženju je odobreno 1.500,00 KM za sufinansiranje projekta iz oblasti poljoprivrede pod nazivom „Jačanje kapaciteta poljoprivrednih proizvođača kroz proizvodnju povrća u plastenicima i na



otvorenom“ koji je uspješno realiziran. Trenutno implementiraju projekat „U svom domu uz našu pomoć“ finansiran od strane UNDP Projekta „ReLOaD“.

#### **9. UG „Bijela Ploča“**

UG „Bijela Ploča“ Bijela Ploča, Maglaj. Predsjednik Udruženja je Miralem Karabegović. Udruženje je orjentisano na proizvodnju povrća u plastenicima i na otvorenom, proizvodnju voća, ruralni razvoj i opću poljoprivrednu proizvodnju na području Bijeje Ploče. Članovi Udruženja su uglavnom mještani MZ Bijela Ploča, Čakalovac, Plane, Jablanica. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini Udruženju je odobreno 1.500,00 KM za sufinansiranje projekta iz oblasti poljoprivrede pod nazivom „Jačanje kapaciteta poljoprivrednih proizvoda u eko proizvodnji povrća i voća“ koji je uspješno realiziran. Trenutno implementiraju projekat „Ekologija - Jačanje saradnje pčelara i voćara ka boljim urodima i očuvanju pčelinjih zajednica“ finansiran od strane UNDP Projekta „ReLOaD“.

#### **10. UG „Eko Behar Ravna“**

UG „Eko Behar Ravna“ Ravna, Maglaj. Predsjednik Udruženja je Ismet Suljić. Udruženje je orjentisano na proizvodnju povrća u plastenicima i na otvorenom, proizvodnju i očuvanje autohtonih sorti voća, ruralni razvoj i opću poljoprivrednu proizvodnju na području MZ Ravna. Članovi Udruženja su uglavnom mještani MZ Ravna. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini Udruženju je odobreno 1.500,00 KM za sufinansiranje projekta iz oblasti poljoprivrede pod nazivom „Poljoprivredna proizvodnja u ruralnim područjima općine“ koji je uspješno realiziran.

#### **11. Zemljoradnička zadruga „Milk-Maglajka“**

Zemljoradnička zadruga „Milk-Maglajka“ Maglaj. Direktor ZZ Šefik Ridal. Zemljoradnička zadruga je orjentisana na proizvodnju sirovog kravljeg mlijeka, kao i manjim dijelom na proizvodnju povrća u plastenicima i na otvorenom, proizvodnju voća, ruralni razvoj i opću poljoprivrednu proizvodnju na području općine Maglaj. Članovi ZZ su sa područja cijele općine Maglaj. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini ZZ je odobreno 1.500,00 KM za sufinansiranje projekta iz oblasti poljoprivrede pod nazivom „Jačanje kapaciteta poljoprivrednih proizvođača u ruralnim područjima općine kroz proizvodnju sirovog kravljeg mlijeka“ koji je uspješno realiziran

#### **12. Zemljoradnička zadruga "KULA"**

Zemljoradnička zadruga "KULA" Strupina, Novi Šeher, Maglaj, direktor Pero Mamić. Zemljoradnička zadruga je orjentisana na proizvodnju povrća, jagodičastog voća, proizvodnju povrća u plastenicima i na otvorenom, proizvodnju voća, ruralni razvoj i opću poljoprivrednu proizvodnju na području općine Maglaj. Članovi ZZ su sa područja novošeherskog kraja. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede

#### **13. UG „Eko prijatelji Bočinja“**

Ovo udruženje je novoformirano. Tačnije osnovano je tokom 2018. godine sa ciljevima koji između ostalog vode ka stvaranju uslova za integraciju interno raseljenih lica i povratnika, pokretanje i podrška procesu uspostavljanja zajedničkog života, povjerenja i tolerancije među građanima, zalaganja za podizanje i unapređenje ekološke svijesti kod građana i zaštite životne sredine i sl.

I do sada su se javljali na Javne pozive općine Maglaj i ReLOaD program, gdje su ostvarili uslove na lokalnom nivou da realizuju projekat pod nazivom „Shvati me“ koji se završava krajem 2019. godine

Tokom 2018. godine nisu dobijali sredstva jer nisu ni podnosili zahtjeve obzirom da su tokom 2018. godine i formirani. Odobrena sredstva po dostavljenom projektu u 2019. godini iznose

1.500,00 KM za realizaciju projekta „Shvati me“ koji ima za cilj poboljšanje uslova života i rada povratnika kroz bavljenje poljoprivrednom proizvodnjom, a kroz projekat će se organizovati niz sadržaja u cilju obuke povratnika kako i na koji način iskoristiti soje prirodne resurse.

**Obrađivač:**

- Služba za boračko-invalidsku i socijalnu zaštitu, društvene djelatnosti i opću upravu
- Služba za privredu, finansije/financije i razvoj poduzetništva

Rukovodilac službe  
Eldina Mehinagić



NAČELNIK OPĆINE  
Mirsad Mahmutagić

